


下



五言律

偶興

垂老

合浦

病後

攬鏡

米貴

遣興



病中

有感

梁眉居園四首

雨

元夜飲梁眉居園復同行屋坦公過趙生

酒舍三首

霧行入署

正月晦日三首

雨中感興二首

二月十五大風苦寒三首

哭王楚石三首

韓岱輿過飲

粉蝶

初夜遣興

獨坐

偶得佳酒留實菴共酌三首

日永

倭刀

古墨

送宋今礎奉使淮安便道過里四首

同行屋東谷青壇吉津過崇教寺分得深

字

飲劉玉孺池亭

霽

立秋日青壇葱佩寧章敬哉諸館丈邀飲

汪園三首

飲張百嶼宅二首

待漏

初度日述懷兼寄家兄四首

偶興

八月初九對月

成青壇招飲看桂時青壇諸弟方試秋闈

憶菊

尊前

同東谷青壇諸君過王覺斯先生

消息

夢與覺斯先生過田家賦詩以夏日雨村

狎農爲題限五言四韻未就而覺枕上

足成之

鴻迹

送家兄後悵然有懷

冬日四首

送王玄芝奉使山東便道歸省

西望

冬月

立春日雪

戊子除日四首

送張石帆東歸

雨三首

聞坦公野鶴有踏青之遊不能從

春日苦雨

春盞二首

酬趙韞退題小築二首

聞笙

送金豈凡假歸二首

旅懷二首

東望

賦得秋日懸清光

秋日九詠倣初唐體

張幼量過飲坐中聞舉次子口占爲賀

落葉

送張中柱學士歸省卽訊北海年兄

華嚴菴逢蜀僧

荅家書日憶爲家兄初度四韻奉寄

題李五絃故姬卷後三首

步坦公飲焦露韻

送同官從軍北征

安東舟中

舟次

姑蘇雨泊

舟次杜純一見投近作率荅

署中候試期東杜掌科純一二首

晏坐

署夜

闌夜

新晴卽事

七言律

人日

元夜後二日對月

夜歸

早春過舊燈市

盆梅初放兩花自署歸乃見感而成咏
玉芝宮對雪呈諸同官學士

雪中出署

飲酒

同白東谷過湖上有感

送毛香林之淮安

春懷四首

送張泊水出守鳳翔

懷里中人家海棠

署中卽事

憶家園牡丹

署中漫興

曉寒

送行屋遊西山

懶

酬張韓忠見夢之作

雨後署中

艷體二首和青壇東谷

六月晦日同行屋邀青壇東谷葱珮吉津

敬哉寧章諸館丈水亭小集二首

新秋感興四首

題季上陽像

寂寞

重過西苑

用韻酬野鶴見投逋齋之作

夜坐

徙倚

醉起

大同

卒歲漫興四首

冬杪飲岳朋海新齋有述

早春偶憇三教菴

巳丑人日

送蘇臨臯按真定二首

贈湯道未

壽張蓬玄少宰

送李匪莪按河南

秋日送鄉人翟玉華東歸

聽雨

秋日贈野鶴

秋日雜感四首

初度日客過二首

初度日寄家兄

寄家書

丁野鶴移居

哭梁眉居

送程義圖督學浙江

送鍾文子督學山左

已丑九日同坦公行屋野鶴龍袞清熙登

高二首

偶過朋海秋舫看菊

析靜

京口夜泊

邵文莊點易臺

登虎丘

次杜純一掌科來韻

庭桂三花甚盛

芙蓉

盆菊三種

同張完真王雪園諸公飲天竺得寒字

五言排律

敬哉同諸館丈見過兼惠詩用韻志謝
不盡

雨中遣興二十四韻

寄題成青壇竹

春日次趙韞退分韻

和陳彥升玉芝宮修史二十韻

遣興二十四韻

七夕感興

贈張完真督撫十韻

雨中抵嘉禾

東王雪園侍御

張雲齋年兄闈中招飲呈同座諸君子

七言排律

次韻

五言絕句

秋海棠

攬鏡

遣愁

燕臺聽箏

七言絕句

白桃花

種蕉

夜風

逋齋詩卷之三

北海安丘劉正宗可宗父著

五言律

偶興

半百驚多難悠悠又四春
鬢霜秋入早鄉夢病來頻
撥悶書無力支貧餽有塵
故人時慰藉得醉卽閒身

崩奔今幸息衰謝向能安
簪筆還吾事盤飧愧

大官蝨螟兵氣健砧杵雨聲寒離索年來慣苔
深任倚欄

垂老

抱鞍日一出髀減首空搔壯志吾何有浮生此
咎勞攈輪朱轂貴驃褭玉鞭豪嘆息年垂老佝
身拂短袍

合浦

翹首乘槎使南征瘴癘開遠柔王略布氛靖物

華來履畝和都會寬徭奠草萊時清合浦煖江
上莫空回

病後

病後彌安老朝來應接慵牖踈風乍薄苔冷徑
常封吹角凌晨動行雲向晚重憑將搖落意寂
寂付孤筇

攬鏡

羸真肯自恕攬鏡識愁頻大藥馮誰借衰顏只

日新六年賒甲子萬里隔風塵空向長安道垂
紳憶古人

米貴

妨農秋雨數米貴覺官貧徑僻喧簷雀衣穿愧
隸人婆娑餘老態寂莫傲緇塵難覓丹砂訣肩
豚祀竈神

遣興

搨搨嗟多役真休亦可尋世情仍得睡生事不

妨吟北雁催寒羽西風澹暮林蜃樓看幻迹浪
喜伴枯蟬

病中

門閒常得閉入夜况兼秋屐印苔痕寂簾疏燭
影流授衣新客却鞭血舊神州抱甕猶堪做何
時慰白頭

有感

自嘆虞翻骨蠹魚二十春干戈雙鬢改韎韐兩

眸新今古還天地風雲付掖紳吾衰仍許醉豈
敢厭官貧

梁眉居園四首

怡情恢勝地闢徑做幽棲翠接煙嵐近霞侵雉
堞低買山猶有待退食自無睽封事兼多暇偏
提許共携

入門添野興竹樹共秋光拂面涼生座依窗綠
出牆鏡湖蒐夢裏韋曲水雲傍幾許滄桑意相

看劇可忘

幾度同遊屐相過復舊京深盃酬往事別館倚
高城波潤魚梁濕雲歸鶴徑晴莫言休沐少日
夕領餘清

勝事知何限爲園萃物華川光通御苑柳色自
天家漉酒狂猶在攤書興正奢銀章垂綬穩偏
覺寸心遐

園柳乃光祿賜薪植之而生也

雨

秋霽翻難卜空堦夜夜苔毗陰豈有自恒雨未
能回生事同官冷鄉心逐漏催干戈如可洗莫
厭聽驚雷

元夜飲梁眉居復同薛行屋張坦公過趙
生酒舍三首

良夜存歡賞相招不厭頻壺觴移燭影絲肉動
梁塵春入寒初淺愁銷興乍新多君行樂意老
大念同人

此醉不常有相看各舊知忘形爾汝後閱世變
遷時殘雪分蓬鬢狂歌換旅思逐人明月在歸
騎莫嫌遲

潦倒隨遊騎言尋舊酒家青樽煩地主白髮耐
天涯燦燦星橋近迢迢玉漏賒年華紛感慨何
處復聞笳

霧行入署

驅馬蒼茫裏聞聲破曉雲廢墟狐兔迹複道路

駝群磚影應難辨堦籌只自分玉芝松栢老猶
爲護玄文

正月晦日三首

着眼年光換初逢晦日來恰當殘雪盡益覺惠
風催身世還驚電興亡付劫灰垂垂堤柳暖春
信不煩猜

馬足同春急金門日一過御溝漸久斷上苑盡
應多種種空憐髮茫茫未止戈天心知有在好
共領陽和

昨日旋征旆蠶叢亦罷師窮荒知有戒先路本
無疑寒色銷氈酪和風靜鼓鞶願言乘令序文
命洽天涯

雨中感興二首

淅瀝天邊雨冥冥及早春輕寒增旅舍老態怯
清晨鳥止仍依樹烽銷未洗燐忽驚愁思劇沾
灑一時新

薄牖東風急過雲送雨涼沛膏還節序潤物自
年光白髮經春短青山入夢長誰將原草色盃
上芰荷裳

二月十五大風苦寒三首

春半天難測驚飈塞外來侵陵曦馭轉蕭瑟角
聲哀旣老身爲客無雲地出雷寒威渾未減何
處見花開

花朝猶此日凌薄奪天工壠夫初回綠岩摧未
綻紅浮生還馬上冰署正愁中却憶金錢會尋
春御苑東

海國蒼茫近奔雲凍不還斷澌通朔氣獨鳥下
西山騷屑深盃裏低回落照間陽和應有候鄉
夢幾時刪

哭王楚石三首

憶余方總帥君已雋秋闈弱冠人爭羨高才命
或違花封餘落莫熊軾黯光輝回首同遊地閒

雲空自飛

蹈海曾言別南天愧却回那知歸去約翻作死
生哀霜露深秋草松筠對劫灰扶筇伸一痛衰
髻苦摧墮

幾逢滄海變爾我共艱難白髮天涯老黃泉夜
月寒辭愁閒夢寐閱世剩衣冠灑泪三春遠何
由借羽翰

韓岱輿過飲

論文今日事况復近閒身珥筆銷清畫關扉閱
老春藥欄偏沐雨月影正窺人良晤堪朝夕因
緣舊卜隣

粉蝶

粉蝶來何意春光亦弗違舞時同絮亂宿處近
花輝幽徑容相逐深閨看獨飛乘時元不競物
化各天機

初夏遣興

偶然關小徑花影信風踈晒藥驚衰劇疏畦及
雨初盤殮官爲減遊興夢堪舒莫嘆馮唐老金
門許曳裾

獨坐

風過三徑寂香散一簾踈鳥語知人意花光似
草廬書殘時近枕髮少久間梳穴蟻休相闕迎
眸半子虛

送日壺中酒窻前許醉眠老夫行易倦斗室地
疑偏遲暮虛丹竈荒蕪剩石田獨憐生事簡珍
重舊青氊

偶得佳酒留實菴共酌三首

紀閏仍初夏開尊得故人清陰庭樹合客况塵
談新聚散還疑夢浮沉未憶尊流霞餘片片斟
酌莫辭頻

把袂金陵後悲歡幾度更年華留短鬢踪跡任
浮萍江國新酣戰天山舊勒盟吾徒原可醉遮

莫老鶯聲

賴此尊中物遂成爛熳歌紛紜看世態衰謝夢
漁蓑敝帙當窓近薰風入樹多楚弓何處問清
興一婆娑

日未

日未衰偏劇常拋枕畔書久知工異瑟自可食
無魚白首依雙闕青山隔敝廬門前車馬寂倒
徙不妨踈

斗室容孤嘯驚風傍戶過閒雲歸遠岫饑鳥啄
荒莎尙白官堪老安貧術匪他周旋寧作我何
地閔巖阿

倭刀

床頭數寸鐵傳自海東來魍魅宵中避蛟龍浪
裏回年衰空涕泪恩重費徘徊解贈平生意相
期安在哉

古墨

向聞千杵法久負客卿緣乍可矜龍脊何由共
草玄桑林烽火改易水市朝遷守黑翻堪老無
妨豹革穿

送宋今礎奉使淮安便道過里四首

舊京來幾日忽復見南征亂後餘鄉思懷深戀
友生王程千里近客夢一時清燕市休聞筑升
沉遇已平

廿載輶車路淮陽幾度過重遊川陸改郎署髩
毛皤北地多鴻雁南天足芰荷吾衰歸計决相
就理漁蓑

白頭相識在曾共賦三都去住緣難定崩奔喘
未蘇緇塵諳世態青眼借吾徒湖海東行近元
龍興不孤

隔歲餘杭夢驚逢憶昔遊湖山空在眼涕泪各
登舟烽燧存三徑荆榛護一丘蘭陵雖可醉慎

勿久淹留

亂後與今礎
相遇於武林

同薛行屋白東谷成青壇李吉津過崇教
寺分得深字

夏晚祇林深官閒得共尋空花留鳥跡灌木護
蟬唵苔冷前朝碣塵清此日心莫驚興廢眼杳
靄剩遙岑

飲劉玉孺池亭

此中不受暑香散芰荷風樹挹澄波綠霞開夕
照紅客懷同澹蕩山意剩鴻濛翻覺言歸易人

生信轉蓬

霽

炎蒸銷積雨午牖霽光浮山色依雲近蟬聲入
樹幽懷新詩送日客久病容愁欲問無生理蕭
疎鬢已秋

立爍日成青壇高葱佩周寧章王敬哉諸
館丈邀飲汪園三首

卜日同人集迎秋一徑開學山成洞壑出樹得

樓臺爽氣非關雨
閒情任舉杯
探幽初命屐
詎忍破莓苔

位置存幽意
飛虹跨綠波
虛明排綺疏
杳靄接巖阿
潑墨看前輩
流觴憶永和
誰云居近市
清興傲漁蓑

涼益層臺迴叢篁
碧欲流登臨時
縱目蕭瑟忽成秋
白髮愁全短
玄蟬響未休
浮生常許醉
莫更覓丹丘

飲張百嶼宅二首

急管催長晝
深杯對夕陽
興來酬此日
節換覺他鄉
沐雨花光濕
欹風竹影涼
塞翁齊得喪
遮莫鬢成霜

羅薜宜初服
相看意自憐
生涯仍馬足
寃夢尙烽煙
世態疑蒼狗
秋聲到暮蟬
一觴聊可借
那復惜陶然

待漏

客夢閒寒漏因風聽牖蕉吾衰尋喪亂天定問
逍遙露色澄中夜雞聲送早朝愁心渾未減宦
跡正萍飄

初度日述懷兼寄家兄四首

此日年年過新來異舊時霜垂餘到耳藥久漸
侵脾樗櫟生涯拙玄黃世事疑小山猶有桂空
發向人枝

衰容何太劇起坐有筇携幸過龍蛇歲仍驚燕
雀栖蛩聲寒更力蝶夢老全迷濩落宜踈放千
烁憶阮嵇

稚子同爲客相看眼亦青衣裳催潦倒才力讓
精靈秋實分窗樹寒花借遠汀慚無勺漏分好
爲斲松苓

雁陣排空去相將避塞寒幾年徒羨爾異地若
爲歡覓醉壺觴懶哀嘗歲月殘寄言休悵望旅
况剩平安

偶興

宦拙門常閉羈栖只自憐無才師大隱多病近
枯禪庭樹上行螿天風墮跼鳶不勞頻引鏡衰
白任年年

八月初九對月

已是中秋月何須望日圓氣清添葉露魄靜冷
炊煙漸皎耳依晦先虧忌用全不妨砧杵發堅
坐待中天

成青壇招飲看桂時青壇諸弟方試秋闈
北土無多桂尊前幸不空高情煩地主細藥領
天工近酒香偏老依巖色正中賢昆饒玉筍攀
折此時同

憶菊

颯颯商風滿寒花未覆籬托根知有處應候豈
能遲片席留三徑高秋放幾枝無緣陪落帽泛
藥覓新詩

尊前

月影寒雲影銀河耿御河三秋摧草樹四輔厭
干戈身外難兼卜尊前莫浪過紫芝知未老白
露滿岩阿

同東谷青壇諸君過王覺斯先生

大雅何窠落儀刑終在茲雕蟲驚代晚學步與
時疑鑪冶歸元化聲聞付等夷壺觴原不淺是
處有清規

消息

消息馮誰寄鄉心到鬢霜干戈真在眼禾黍未
登場廟畧占天意詩情減宦囊燈前成獨酌餘
興付滄浪

夢與覺斯先生過田家賦詩以夏日雨村
狎農爲題限五言四韻未就而覺枕上足
成之

勝遊銷溽暑積雨過長川杖策追隨近忘機語

笑便平原禾黍色上古往來緣此夕神先告過
歸定幾年

鴻迹

歲歲餘鴻迹行藏付鬢絲荒鷄徵未厭衰鳳德
終疑閔寂還生事牢騷盡夢思海天千古在何
處覓安期

送家兄後悵然有懷

衰年兄與弟此別覺息息把袂天低日登車歲

暮風家園新戰後魂夢舊愁中頗恠桑乾水同
時遽向東

兩年兩度別冬日各含淒長路狼煙滿孤雲雁
影迷浮沉元自分得喪復誰齊楫楸依三徑何
時並杖藜

冬日四首

頓覺玄冬駛盆梅又半舒撥爐安旅况扶老借
方書午日暄堦影戎衣靜珮琚傳烽真似息鄉

信不妨踈

衝寒疲馬足炙背起風和簪紱曾何補關山空
自多深盃狂不厭衰髩短宜皤悵望仍千里柴
門憶放歌

晝漏晴猶短風簾暖乍開物華方待雪客慮已
同灰生事還塵甌詩情欲放梅不煩驚剝啄門
徑等蒿萊

筋力閒中減其如歸計違啼鳥依樹急落日傍
簷微兒嬾寬書課囊空信僕饑興來援秃筆寂
寞愧忘機

送王玄芝奉使山東便道歸省

衰年仍送客燕市霰霜飛手把金鷄詔光生遊
子衣前途爭負弩寒日尙留暉歸去春初滿稱
觴蕨欲肥

聞君之濟上風物憶當年湖水融城雪山椒接
市煙衣冠仍海國生齒幾桑田問舍吾將老臨

岐興杳然

西望

晴日因風急，閒窗對雪寒。
書同生事寂，盃與旅情寬。
廟略憑戎馬，衰容愧大官。
傳烽憂不細，西望接巔峘。

冬月

冬月涼逾白，當軒照綠罇。
孤光隨節物，清影變寒暄。
作客生涯老，哀時感慨存。
捲簾渾不寐，霜露靜無痕。

立春日雪

未覺春光換，簾開雪正飛。
隨雲初漠漠，入樹轉輝輝。
應候膏生土，疑梅落傍扉。
花門盟始定，莫濕使臣衣。

戊子除日四首

白髮禁愁久，今朝歲復除。
生涯銷客淚，物色狎征裾。
自耐文園病，誰傳塞雁書。
春光催草樹，晴

日滿吾廬

欲作椒盤頌翻憐宦海身衰殘成底事寂寞對
時人鏡裏驚年換尊前閱世頻長安梅柳意何
處不傷神

寥落容疎放羈栖感歲華臘殘仍待雪栢泛自
流霞霽景開簷旭和風送塞笳喜瞻雙闕影未
覺暮雲遮

舊有朝正使輶車萃此辰趨蹌應不異耳目若
爲新古戍踈烽火澄江穩釣緝中原煩指頤寇
盜本王臣

送張石帆東歸

與君幾度別十載備悲歡亂過驚雙鬢愁頻愧
一官春風扶鍛羽海國憶安瀾柳色青門近當
盃詎忍看

停車應計日草綠古膠西品物登新錯風光滿
舊蹊雲連蒼嶼濶夢入武陵迷回首長安道茫

萍落照低

雨三首

客舍蕭蕭雨當春益曉寒隨風偏濕樹濡草半
侵欄雪盡圓沙爭波生宿霧殘天涯歸思劇懷
抱若爲寬

似欲催春轉依林傍岫迷霏微同野濶瀟酒向
人低乍洗松篁色還沾桃李蹊天工誰可問望
歲慰蒸藜

極目征塵靜輕寒帶遠汀荒原微漲綠弱柳暗
催青候至春難閱愁多戶自扃洗兵應有地遮
莫信鴻冥

聞坦公野鶴有踏青之遊不能從

浮生嗟物役勝日負招尋野斤花空發閒情盃
自深年華驚過眼客况愧抽簪爲問青門柳仍
餘幾處陰

歲歲當茲日風花漸欲飛餘寒愆物候老眼怯

征衣易覓尊中酒難期海上薇
虛傷桃李路寂寞澹晴暉

春日苦雨

猶是青陽候霽霖亦不時
隨風來遠岫侵徑過
踈籬起蟄蛟龍喜逐飛
蛺蝶疑天涯傷客思
扶杖欲何之
行雲何處至積雨薄陽和
入夜空傳響侵堦半
欲波花光溥露冷草色讓
苔多衰覺餘寒劇朝
來廢早哦

春盡二首

流光驚鳥過春盡尚寒威
荒磧遲回雁巖城剩
鐵衣萍踪相顧老蝶夢自疑
非花下添雙泪風
餘片片飛

舊塞黃塵滿三春競羽書
孤兒仍士伍華路亦
戎車麥壠看翻浪蔬畦憶
荷鋤不材宜濩落樗
散復誰如

酬趙韞退題小築二首

卜築驚三載當軒益一亭古槐侵瓦綠驟雨送
苔青自憶壺中訣誰勞物外形嚶鳴元不厭華
髮任星星

幽事存三徑花畦每自鋤目昏書債減齒過宦
情踈驚隼高雲外啼烏客夢餘問奇吾何有寂
寞野人居

聞笙

斷續如無意悠揚散暮愁清隨玄鶴遠靜傍古
巖幽入夜沉蕉雨因風過竹樓緱山今在望何
地復丹丘

送金豈凡假歸二首

勝蹟邢襄舊清風百尺樓銜盃當夕照買犢勸
西疇檣櫟慙無補嚶鳴許共求文壇今執耳台

座五雲浮

先生舊守邢邢有清
風樓曾共登云

佇鼓江天棹螭頭憶履聲虛懷瑩水鏡壯略掩

金城吾道滄洲遠鄉程客夢清鱸蓴那可戀引

領念蒼生

先生先佐銓樞故
領聯及之

旅懷二首

旅懷無與適烽火徹耳泉被畝開禾黍飛塵接

市廛雲臺重躍馬漆室舊憂天寂莫千秣事何

人尚草玄

右輔波仍沸汾河接潞河龍堆傳卧鼓雁塞莫

橫戈落葉空堦靜驚蟬夕照多間愁銷枕上誰

復憶漁叢

東望

數旬鄉信杳東望客思繁積雨疑禾黍稱戈怵

夢魂穿雲餘旅雁號木剝窮猿搖落秋偏早庭

空獨樹翻

賦得秋日懸清光

旭光開玉署爽氣肅金天竹影翻堦靜松陰落

砌圓霞衣紅入鏡雁字碧凝箋暴物無私照餘

輝滿四筵

秋日九詠倣初唐體

秋風

忽改南薰候涼飈到客衣入桐催墜葉吹月暈
寒輝塞馬嘶初動征鴻影背飛鱸尊難可覓翹
首願多違

秋雲

出岫迎新爽浮空片片多曙遲涵玉露宵靜澹
銀河楓老霞添幕磯寒霧隱篆卷舒應有意幻
影竟如何

秋蟬

奮翼炎蒸裏孤唵搖落中清姿仍飽露悉響尙
驚風陌上甘衰柳樓頭戀晚桐無勞羞抱葉候
至共霜空

秋露

金盤知己杳應節夜能溥莎徑涼逾白松岩曙

未乾珠翻荷蓋老香潤菊籬寒涓滴皆天澤爲
霜幸甞寬

秋月

涼宵看桂魄客思滿天涯圓缺何曾異妻清乃
共嗟夢回驚古戍影靜怯悲笳莫聽關山曲蕭
疎鬢已華

秋水

積雨催流火西風逐浪生長川千頃碧曲沼一

泓清疎柳眉臨鏡驚颺甲動鯨乘槎成往事嘆
逝有餘情

秋螢

熠熠驚寒牖疎螢散晚叢爭輝穿露葉帶熠候
霜風度渚星涵碧依簾燭漏紅微光羞未晦飄
轉九秋中

秋菊

三徑仍餘菊西風破萼時托根元不異應候自

安遲雜珮香能襲
飡英露已滋
忘言堪滿把
何物比相思

秋雁

天山飛雪早雁陣
始南征奮渚翻
蘆影驚霜背月明
歸期其隔歲
旅况怯孤鳴
得逢封書否
因風字欲橫

張幼量過飲坐中聞舉次子口占爲賀

掌上珠成偶
花前得報書
多君能種玉
老我欲

焚魚奕葉蘭芬吐
連枝桂影疏
醉歸應不惜
湯餅定何如

落葉

秋氣入庭際
紛紛傍砌多
去來迷定處
榮華變寒柯
鳥跡逢苔減
蟬聲向日和
獨憐窗外竹
窸窣覆煙蘿

送張中柱學士歸省卽訊北海年兄

羨子言歸好
雙旌及九秋
黃花猶古道
綵服自

神州雲日明鄉樹烽煙靜戍樓驪歌驚客思目
盡海東頭

問訊山中友因風寄鯉魚交情三十載客况數
行書未信浮沉便空憐晤對踈投簪倘可續一
叩草玄廬

華嚴菴逢蜀僧

寺古松陰寂僧來川路遙年深方語換家遠業
緣消實相融人我囂塵隔市朝逃禪餘勝地不

擬費招邀

荅家書日憶爲家兄初度四韻奉寄

天涯猶此日望遠自潛然書到殘烽裏人疑去
雁邊寒花應獨馥濁釀共誰傳賴有東園竹千
竿拂曙煙

題李五絃故姬卷後三首

薜華人共惜画裏識紅顏拂石花依袂攤書月
照鬢春殘苔易寂夜永夢空還爲愛求凰曲囊

琴未許刪

金屋何能貯情緣卽病魔嬌常歌宛轉懶亦抱
雲和芳韻薄鉛粉餘香在綺羅舊來停拍處花
日不曾過

巫峽嗟何許歸雲竟杳然蕭條閒玉柱零落剩
金鈿璧月留清影天桃憶妙年那堪燒絳燭再
上石家筵

步坦公飲蕉露韻

獨花廿歲晚零露葉初踈乳水元無相色香不
碍虛券舒隨節換斟酌倩誰儲疑待談玄塵因
風散敝廬

送同官從軍北征

龍劍挂雕鞍蒙茸犯早寒人傾新乳酪馬度舊
嶺岼瀚海波凝碧黃花樹送月歸來同飲至梅
蓋未應殘

安東舟中

三年三過此地
以下附丙戌南役稿

不知秋色早涼意起汀洲獨樹迎空棹聞雲亂
暮愁往來三歲數聚散幾人留真愧繁霜鬢蕭
蕭古渡頭

舟次

于役類經月蒼茫水國間鄉心舟上夢客况雨
中山橘柚南天隔荆榛北地閒愁吟何處劇匡
坐稿重刪

姑蘇雨泊

停船知亦好猶是古蘇州小市皆依水青山盡
倚樓未驚衣履異應許管絃留一雨秋偏早翻
憐憶故丘

當日逢傳檄閭門水未波隔湖漁火競夾岸柝
聲多白髮經時換清秋載雨過居人雜瓦礫耳
畔尚橫戈

風物依稀是豪華亦半凋驚心豺虎近入夢菱
荷遙估客吳江縣烽烟寶帶橋只宜今夜月雨

霽照通宵

舟次杜純一見投近作率荅

停橈同野泊雨到晚涼生濁酒懷人意狂歌闋
世情雲過帆影暗風定縠紋平紙上珠盈把因
君萬慮清

署中候試期東杜掌科純一二首

把袂經時久分曹意若何書來同悵惘病去竟
蹉跎鳥語炊前少松聲雨後多併將搖落恨衰

影付婆娑

豈謂乘輅至翻成閉戶來竹窓聊可啓松徑不
煩開漸覺方言熟其如遊興灰授衣兼索米容
易客懷摧

晏坐

秋光凝使署晏坐倍蕭條網樹蛛偏冷狎人鼠
自驕感時悲往事續夢怯清宵聞道江潮穩何
當送客舫

暑夜

不寐仍秋夜
牕虛炯自明
柝聲因靜
惡蛩語帶
寒清地坼
波浮島天
高月照城
邯鄲猶在
夢支枕幾
回驚

闈夜

炯炯一燈明
秋聲併雨聲
短衣看世態
霜鬢感浮生
浪跡江湖隔
招魂歲月驚
朱顏聊可借
濁釀傲寒更

新晴卽事

積雨晴偏好
闈深迴絕塵
旭光晞露葉
爽氣澹高旻
鐘鼓元相報
湖山倍可親
魚龍占浪穩
勝日一垂綸

逋齋詩卷之四

北海安丘劉正宗可宗父著

七言律

人日

禁城人日物華同
百感何來眼欲瞢
不解破愁翻是酒
尚憐作客已成翁
風前綵勝烟塵外
夢裏鄉園羽檄中
獨坐婆娑舒一嘯
敢將冰署比途窮

元夜後二日對月

醉裏春光夢未回
燈花到眼已成灰
閒情又向愁中去
鄉思仍從亂後來
時過傳棋枰尚杳
地多擊筑筑偏哀
蕭條坐對寒窓月
遮莫霜華兩鬢催

夜歸

羸馬天街燭影微
宦情騷屑拂征衣
違時未解追通隱
覓醉無妨送落暉
到耳干戈身世窄
驚

心歲月物華非
東山松菊開三徑
何日歸如今
夜歸

早春過舊燈市

令節燈輝照勝遊
曾從此地一登樓
和風拂陌驚塵起
畫棟飛灰片月留
寂寞已看隣廢苑
繁華猶說壯神州
春來正是經行日
行近青門淚未收

盆梅初放兩花自
署歸乃見感而成
咏

年年邸舍原爲客花底重驚客裡身隔歲寒香
空入夢一枝春色乍迎人戴星不辨窓前葢秉
燭猶憎衣上塵幾度低回添悵惘莫孤清興此
時新

正月探梅已覺遲朝來開處若爲期十分春入
仍孤往一室香凝祇自知把酒欲追長夜飲看
花偏動故園思沉沉漏水催繁葢囑付東風且
漫吹

玉芝宮對雪呈諸同官學士

蒼莽雪色澹遙空隱几長吟興未窮別殿不聞
來翠輦六花猶自舞東風依依苑柳添絲軟寂
寂爐灰近酒紅珥筆幾人歌瑞靄調高屬和愧
衰翁

雪中出署

宮雲低度玉霏微晝漏全移逐隊歸避世敢言
金馬穩攤書未覺素心違風吹大陸寒邊燧樹

冷啼鳥靜晚暉潦倒獨憐生事拙海天剩有釣
魚磯

飲酒

老去真慚未拂衣狂來亦覺世情違但看綠酒
頻頻滿誰問紅顏漸漸非歸及雞棲堪謝客課
逢兒懶許關扉青春原有經心事暖室梅花喜
乍肥

同白東谷過湖上有感

湖光漾碧淨無塵羸馬重來見早春華屋日成
新燕壘荒臺樹倒舊龍鱗經行是處傷衰鬢閱
世何人嘆積薪獨有西山渾未改朝朝空翠落
城闔

送毛香林之淮安

軍儲南國借持籌雲薄寒生使者裘古晉唐風
携儉德長淮楚水控安流應看雁影懷公幹但
遇鳩形念道州到日郊原春草遍王孫若在贈

吳鈞

春懷四首

仲春欲盡暖初回觸迓風光萬慮摧病裏難尋
塵外賞花前易恹掌中杯悠悠世路餘雙泪寂
寂愁吟續七哀自笑一官隨馬足浮生那得付

蒿萊

囊空恨少買花錢及至花時倍惘然燭照紅粧
迷舊地霜垂白髮異當年重來燕羽巢難定幾

度魚書夢尙懸客况不知何處豁迎人柳色自
風前

西山淡冶亂峯齊杳靄平分落日低欹樹顛厓
添虎跡前朝古寺剩鶯啼何時休沐逢修禊到
處閒情憶杖藜趨走已看春色老阜成門外草
萋萋

吾家此日水東亭遶檻全回雪後青隔歲杏花
應灼灼經春竹樹尙冥冥難將白眼酬紅藥莫

遣緇塵傲醜醜自古長安如夢裡誰憐翹首望
烟汀

送張洎水出守鳳翔

四牡駢駢柳欲綿爭看張緒似當年文壇聲價
留春雪驛路風光近岳蓮廿載苦兵秦地劇幾
人翹首使君賢岐陽渭水東流急應有雙魚到
日邊

雙旌裊裊漢關西旭日風前散馬蹄隴樹幾行
春雨濕條山千里白雲低奚囊客興餘圖史虎
竹勲名靜鼓鼙無那故人添悵望王孫草色去
邊迷

懷里中人家海棠

垂垂輕碧燦明霞當日曾尋處士家雨後還舒
簷外朶春來誰看醉時花艷粧不倚香成陣遠
夢空傷鬢已華寂是迢迢千里目易驚桃李自
天涯

署中卽事

簷絲裊裊漏聲徐
晴日朝來滿直廬
世態尙留花事好
客懷莫使酒盃踈
東山入夢依丹陛
南國傳烽憶素書
無那衰年衣未減
松濤時復落空除

憶家園牡丹

尙憶栽花近碧池
年來空說舊開時
色分千萼霞初染
香殿三春露自滋
烽火曾同原草寂
夢

魂猶與物華疑
試尋帝里傳觴處
百寶欄中剩幾枝

署中漫興

別殿春深迴絕塵
新來真自號閒身
盃中綠蟻容狂客
檻外青松是主人
不用憂天驚午夢
擬將卜日問花神
應知尙有桃源路
何處風光讓隱淪

曉寒

暮雲將雨曉寒清
愁緒蕭條萬里情
衰謝又逢春過眼
昇平幾見世銷兵
垂楊自向風前舞
碧草仍依檻外生
最是鳴鳩不解意
新晴一一故園聲

送行屋遊西山

西山入望自寵從
行近白雲處處通
御墨尙留青靄裏
天花肯落翠微中
寺前鹿跡經朝雨
巖上松聲倚暮風
試問老僧十載內
遊人幾度到

禪叢

懶

自將疎懶護衰殘
小徑支筇對暮寒
客遇到門看鳥避
杯當入手覺書闌
日憐稚子諳方語
時遣奚奴拭籜冠
似雪頭顱忙底事
向人怕說未休官

酬張韓忠見夢之作

老來踪跡悵浮萍
珍重天涯夢裏情
鬢鬢渾隨

川陸改烟霞久負鷺鷗盟舊遊空憶傳觴地高
卧寧耽避世名自審三休歸計穩一筇共逐白
雲行

雨後署中

雨過高城暑氣清直廬猶許近承明迂踈自識
三休分潦倒誰傳七序名物外煙霞空入夢眼
前鷗鷺亦含情爲郎從古皆堪老莫向東山問
舊盟

艷體和成青壇得紅字

香靄簾櫳倚暮風輕綃隱約玉脂紅蠻靴猶試
當筵舞宓枕誰憐誓月裏怨寫雲和依寶障歌
成宛轉近花叢巫峯是處迎青鳥何俟簫聲下
碧空

和白東谷得裙字

春色全從一座分波紋簇簇動湘裙綵箋解乞
筵前句密意疑成夢裏雲計日留歡憐小玉登

車洒泪恠靈芸燒殘絳蠟情何限不向東墻待
夕曛

六月晦日同行屋邀青壇東谷葱珮吉津
敬哉寧章諸館丈水亭小集二首

走馬緇塵夏復秋相期汗漫續同遊不嫌老大
違時好况有溪山散客愁亭榭一時留嘯咏兼
葭幾處亂汀洲眼前此地真如奕忍向枰中益
白頭

勝日追隨興自新近人鷗鷺亦能馴文壇臭味
忘師友世路浮沉愧隱淪戚里歌聲閒鳥語齋
宮樹色冷龍鱗莫將興廢驚衰髯尚有尊前草
似茵

新秋感興四首

朝來晴日澹高旻蟬送微涼秋又新節序偏驚
垂老髯淒清易感未歸人空齋物色稊書冷故
國雲山鼓角振向晚砧聲何處急應知孤月解

傷神

索米金門復見秋深慚逐隊等蟬蛸爲郎浪比
馮唐久作賦非關宋玉愁仙掌露凝新闕影御
溝波靜故宮流授衣重覺衰顏劇寂莫緇塵剩
崩緜

禁籞沉沉晝漏長坐移磚影已秋陽松篁舊映
離宮碧荷芰仍分別殿涼起草有年閒短屐送
愁無計覆空觴孤懷渺渺常千里一葉何來下

建章

浙浙風生馳道寬短衣羸馬復長安西山翠靄
澄朝爽北闕晴光積暮寒白雁欲來連大漠青
氍猶在耐閒官不須更問桑乾水東望烽煙尙
未殘

題季上陽像在金山傍

客懷孤寄淨無埃坐對峰紋面面開梅福舊遊
如可問向平夙志未全灰夢留兩岸鍾聲杳棹

送長天雁影回今日妙高臺上月解看猶有幾
人來

寂寞

朔風吹日影淒淒老眼衝寒咫尺迷長劍倚天
成想像敝裘釣月費招携幾枝解薦籬中葢昔
載空存閣上藜最是關心烽火急壯懷寂寞怕
聞鷄

重過西苑

秋杪仍從廢苑過飛虹依舊俯寒波參差良獄
天中石寂寞粧樓檻外莎鳳舸久閒鷗鳥靜蛙
聲時送夕陽多無端客思驚雙眼望裏冥鴻奈
爾何

用韻酬野鶴見投逋齋之作

生事蕭蕭硯亦蕪仍餘爛醉近良圖門堪羅雀
全同隱債到徵詩半欲逋籬葢香殘宵燭冷角
聲寒徹曉霜孤多君肯借奚囊色馬耳雙峰翠

未枯

夜坐

鬢霜客舍又三年留滯重驚歲暮天故國音書
寒雁外他鄉涕淚早梅前預愁筋力經春懶且
喜壺觴向夜偏安得杖藜丹壑穩燒殘黃葉抱
雲眠

徙倚

衰多肌骨苦寒侵斜日微茫下遠岑灌木鳴鳴

飛霰冷空郊虎過凍雲深黃塵大漠仍烽燧急
景荒臺自古今徙倚銅龍添悵望牢騷欲付白
頭吟

醉起

朔風一夜倒偏提解使衰翁醉似泥擊柝猶傳
青海箭探幽誰問武陵溪故園莎徑霜全冷絕
塞烽煙日半低領略春光狂不減西山且莫動
征鼙

大同

大同近報羽書稀馬上征人亦漸歸
卧榻一肯煩虎旅江天何日靖
戎衣梅花欲放寒猶歛鴻影全踈
遠自飛老大垂鞭能不厭燕山漠
漠澹晴暉

李歲漫興四首

驚飈催漏夢魂勞短鬢依稀認二毛
燕市悲歌應擊筑漢家臘日憶烹羔
冰霜似妬空齋盡櫛

拙翻憐三徑蒿戎服偏忘年老大
蒙茸時逐五陵豪

微茫雪色澹遙天薄幌低垂一榻懸
有意催人簷外景不堪覓醉杖頭錢
草枯朔塞間征馬波宴南陲戢戰船
俯仰定甘身世拙獨傷客况自年年

爲郎廿載髮全皤壺缺當年意若何
稚子未精文選理老夫擬借魯陽戈
衝寒馬足因風急積

凍書衣趁日和湖海幾人能寄傲低回心事付
蹉跎

華門寒肅玉京傍大漠風來接建章畫角穿雲
回客夢吳鉤雜珮動晨光將除歲序迷雙眼未
滌愁懷付一觴羽檄那堪繁故里占年意緒轉
茫茫

冬杪飲岳朋海新齋有述

秘苑追隨有故人興來拚醉失緇塵圖書盡解
存蕭寂几榻何妨憶隱淪同是卜居心獨遠依
然作客味偏真莫傷歲事今寥落香入梅花色
半勻

擬開欄檻對巔岼坐揖空明俯碧湍韋曲風光
盃底出燕臺形勝鏡中看胸餘丘壑官同隱天
入蒹葭夢亦寒回首滄洲烽火外馮將清興共
長安

早春偶憇三教菴

春寒大漠朔風回
偶向招提淨地來
短髮幾莖全似雪
壯心十載已成灰
空餘鳥語喧晴日
剩有笳聲送落梅
碌碌浮生仍夢裡
忽聞清磬是燕臺

巳丑八日

數日晴光此日陰
長安雲物鬱蕭森
天連絕塞寒邊燧
風急高原墮暮禽
乍薦辛盤存舊俗
久聳白髮愧華簪
一枝棲息猶堪老
遮莫花香滿

上林

送蘇臨臯按真定二首

霽入春明散栢烏
恒陽直指出皇都
應多解綬聲先路
豈有歸鴻泣茹荼
拒馬波寒雲影靜
飛狐烽息月輪孤
中山雪浪經行地
翹首輶車見大蘇

風動名碑憶舊遊
塵封苔蘚幾經秋
銘功尚覺雄圖近
攬轡豈無勝蹟留
傑閣霞從盃底落
良

山翠向檻前浮因君兼訊叢臺月照盡興亡剩
古丘

贈湯道未西洋曆師

勇猛辭家證見聞片帆衝破海東雲携來圖畫
輕龍象記得方言傲典墳世外人天恣領略眼
前川陸失紛紜逢君不信丹書貴促膝玄亭日
已曛

壽張蓬玄少宰

未染髭鬚尚黑頭策名甲子已將周燕臺並轡
無行葦洛社尋盟有舊遊鑒別媼妍仍水鏡銷
融畛域即丹丘玄言一塵元堪領風月何辭佐
酒籌

送李匪莪按河南

有客驅車向大河寒清三伏簡霜多瘡痍幾處
煩生聚保障何人重撫摩少室白雲霖雨潤嘯
臺蒼樹惠風和年來兵氣銷沉後驄馬行春見

五絕

秋日送鄉人翟玉華東歸 玉華善醫

愧我侵尋耽病骨多君邂逅借方書
物華到眼沈疴後時事驚心稔亂餘
千里關山雲樹冷一丘松菊夢蒐
踈歸歎應踐他年約海上烟霞共
草廬

聽雨

搖落秋光正欲深西風一夕送寒霖
來侵書幌

聲偏急去映莓苔影漸沉躍馬幾年誰更卜
啣盃此日自長吟回頭莫問傷心事且喜
虛簷亂暮砧

秋日贈野鶴

長安把袂兩經秋青眼如新各白頭
豈謂金門真大隱應知牛口本名流
蘆溝波冷喧征馬雁塞風寒動戍樓
擊筑莫驚燕市淚年來自分是
三休

秋日雜感四首

虛窗積雨竹聲颺小徑無人碧欲流此夕清砧
仍七月異鄉衰鬢又三秋難諧時好齊門瑟易
敝西風季子裘日暮金臺寒照裏蒹葭裊裊動
人愁

枕上雨聲到耳盈階前驟見白波生巖雲黯黯
低窗去蕉葉淒淒近戶鳴乞火有隣饕子懶還
家無夢客魂驚那堪更入爲郎署羸馬衝泥未

易行

獨對閒亭綠幾叢跡如鴻爪夢飛蓬塵容重覺
年年客羸骨難堪陣陣風仍有山光來座上應
無愁思到杯中隔垣不盡玄蟬競樹色微分遠
照紅

薊門東去接鄉園候至涼生客思繁千里烽煙
迷草樹五陵笳鼓動郊原風來絕塞征鴻急氣
蕭高旻落日昏惆悵空傷人事改無端愁緒與

誰論

初度日客過二首

短鬢經秋耐早霜故人相慰意偏長
浮沉不厭芳罇蟻得失何妨岐路羊
自信踈慵元近癖誰憐傀儡尙登場
花前漏水君休問涼月初翻薜荔牆

長安逐隊又三年此日秋光亦可憐
詩酒有情禁白髮風塵無恙剩青氈
浮雲過眼千峰矗良

夜當盃片月懸莫道鄉心驚旅夢
興衰曾見海爲田

初度日寄家兄

一封書寄自神州極目鷓原各白頭
瘴癘幸歸南去羽干戈漸敝北征裘
老耽丘壑餘松菊愁逐風塵任馬牛
寂寞深盃凝淚眼幾年此日嘆無儔

寄家書

海天東望隔蒼茫雁羽因風欲斷腸縱說有秋
防穀賤况聞多壘怵途長窮交白首三年別故
國荒原八月涼珍重好音千里外願言爲理芟
荷裳

丁野鶴移居

知君筆底富煙霞十舍何勞遠市譁星近少微
分氣象管餘全豹闕津涯當歌扣角元無泪作
客登樓亦有家三徑應容公幹過伊人莫更問

蒹葭

哭梁眉居

素瀨潺潺去不回石餘靜女俟城隈堦前松竹
螢猶照案上壺觴漏尚催雨暗鍾山南燕盡風
寒榆塞北鴻來白頭兩地交情在豈是衰年哭
易哀

公自題園中扁曰素瀨
又名其石曰靜女也

送程義圖督學浙江

澤國師模慶得賢冰壺澄徹映江天兩都聲價

三台裡萬壑因緣四牡前吾道已南新劍珮斯
文未喪靖烽煙雙峰突兀應依舊風物于今勝
昔年

送鍾文子督學山左

鍾前爲
濟南李

文壇繩尺近三台東國荆榛此再開歷下執經
仍弟子雪宮駐節舊池臺人歸禮樂懸冰鏡運
轉戈鋌度劫灰莫道岱雲金簡秘應留片石共
昭回

巳丑九日同坦公行屋野鶴龍袞清熙諸
君登高二首

黃花勝日禁城隈載酒聯鑣問古臺陵谷未隨
朝市變悲歡偏覺歲時催烟銷平楚寒山出雲
逐西風北雁來短髮不妨陪落帽相看共盡掌
中盃

望中秋色滿關山城闕參差夕照間落葉乍飛
風作陣繁霜忽入鬢同斑天連大漠荒原迴地

接居庸古戍間幾度佩萸傷往事桑乾東去自潺湲

偶過朋海秋舫看菊

九秋過半菊未殘秋舫齋頭初滿欄帶露傳香
客舍寂看山獨酌西風寒紅塵滾滾隔三徑遠
夢悠悠憶一竿安得相期蕩煙水殮英倒着鹿
皮冠

析靜

風急高城一雁飛關河幾處肅征衣共球已見
航青海士馬何勞出武威落葉時鳴蒼樹禿明
星欲墮早霜微九霄魚鑰遲遲發析靜天街燭
影稀

京口夜泊

乙酉由此北歸以下附丙戌南
役稿

自昔江山發嘯味重來勝地一悲歌潮通鐵甕
浮歸棹夢到金陵隔逝波人代幾驚身是客荷
衣未就髭空皤奚囊寂莫蘆花冷入夜秋聲枕

上多

邵文莊點易臺

聞公子孫甚貧落

滴露登臺近惠泉依稀荒徑憶當年一泓猶見
源頭水百畝無聞郭外田入眼舊題蒼蘚裏經
秋禿樹晚風前規圓片石窺深意點畫應嫌落
後天臺上石案如規

登虎丘

一徑穿雲積翠凝上方臺殿俯峻嶒松聲遠送

晴時雨池面寒分夏日冰支澗草青疑鶴下生
公石老共僧登興懷千古吳門色正練東來到
眼曾

山在吳門之西

次杜純一掌科來韵時停舟候發

層樓高俯女墻隈霞映澄波鏡倒開到處吳歛
愁裏聽幾帆秋色望中來使星未覺浮槎近桂
影誰將片月催賴是梧垣饒逸興越吟纔罷共
啣杯

庭桂三花甚盛

初來庭畔桂新凋凋後三開意轉饒指似土人
花近瑞教臨月路子遲飄芙蓉薄豔羞難再籬
落爭黃讓久要寄語寒松空偃蹇天香也得傲
霜朝舊傳西湖月路中秋落桂子

芙蓉

秋盡芙蓉向晚披盈盈弱態倩風持誰分洛圃
胭脂蕊遍灑江干玳瑁枝露衰蘆花香冉冉霞

開魚藻影離離當筵繡褥休爭妬惟有籬黃相
對垂

盆菊三種各得近體一章

粉爭先

寒花渾未妬先開讓豔凝香取次裁間葉只疑
纖月照陵朝誰辨早霜來珮萸有待寒香雪送
酒無驚靜綠苔自避重陽風雨候輕黃濃紫莫
深猜

紫牡丹

馮將富貴耐輕寒紫萼如垂百寶欄似怯春光
恣爛熳却留霜質殿凋殘升華宜竝黃金蕊闥
艷堪爭赤玉盤不是籬邊秋意透翻疑洛圃露
先溥

太真黃

侵曉籬邊簇嫩黃凭欄還似按霓裳平分金粟
風前影靜照流蘇舞後妝溥露空憐閒寶靨輕

寒猶自倚修篁馬嵬繡襪傳香遠長得清姿傲
晚霜

同張完真王雪園諸公飲天竺得寒字

諸天迴闕白雲端選勝開尊興未闌流水砌中
藏杏藹居人簷外俯嶺岼鐘聲靜隱梵聲細佛
日全銷冬日寒底定羣公餘妙略仍將歌舞到
烟巒

五言排律

王敬哉同諸館丈見過兼惠詩用韻志謝
燕市遂今古重來亦卜居官閒榻可下徑僻草
堪鋤晒藥留蕭寂看雲備卷舒日新惟白髮見
慣是征裾玉樹傳聲遠金門聽履徐益三咸矩
獲尺一盡瓊琚汗滂迂踈裏籛條衰病餘翻憐
添勝事不復憶淪胥

不盡

不盡浮生夢經年尚耐愁深盃停伏枕懶性恹
持籌馬與裘同敞門當夏早秋鶴原阻瘴厲冰
署寄蜉蝣松菊東山麓荆榛北海陬青氈懷素
業白眼任肯流氣色兜鍪壯風雲羽檄稠垂裳
歸上理問字愧冥摛石室新叢草芸編舊汗牛
依違空自憊遲暮復何求老筆推班掾時名謝
魏收耽玄終寂寂索米正悠悠供奉常聞曲趨
蹠各佩鉤廟廊餘奠定衡泌羨優游勾漏留丹
竈滄浪剩釣舟擊蒙豈有獲養拙或忘憂送日

憑孤杖安心在首丘元和知未散汗漫亦天遊

雨中遣興二十四韻時有淄川之捷

簷溜驚高枕侵堦勢驟平漏天移北極坼地想
南征竈濕炊全晚墻浮榭半傾樹欹風漠漠草
偃晝冥冥羸騎衝泥怯孤懷與夢縈囊空愁問
酒髮短愧垂纓倒徒餘披絡當歌憶聽鶯一時
潦倒態十載死生情俯仰憂難豁羈棲泪易并
山河元勝國橐鞬尙佳兵傳檄潢池數伐謀廟

筭明師行疑枕席令肅煥旄旌威布終蘇鮒時
和更勸耕升沉存鶚冠代謝付楸枰落落看雙
屐熒熒耐短檠忘機憐海鷺送暑借桃笙不分
衰年健期逢未日晴寧辭耽閒寂莫厭隔荒倉
卜築仍依市趨蹌只抱經香遲金鴨燼漏待玉
繩橫貧病煩誰辨牢騷敢自鳴生涯歸正穩客
况雨還清招隱山多桂恬波海絕鯨閒閒十畝
外秋水映柴荆

寄題成青壇竹

見說高齋竹移來自遠岑先秋元趁雨映樹已
爲林散影當初月疏畦近碧潄籟清三伏失氣
靜一庭深不復關塵境惟應愜道心到門無俗
駕得句有知音蔣徑疑堪對淇園乍可尋主人
多不恠長嘯豁幽襟

春日次趙韞退分韻

鄉心逐節序客泪墮縱橫敢道天難問虛傷遇

未平荒榛今故里離黍舊陪京秃節艱曾閱黃
冠志欲明數椽才有酒百里近銷兵似覺殷憂
少翻憐逸思生科頭留嘯咏長揖謝公卿捧檄
餘霜髯移文到短檠真慚隨越石頗喜識韓荆
燕市常聞筑春風亦動鯨花光如有待柳色解
相迎文字希殊貴壺觴罷復行驕嘶沙磧馬緩
語故宮鶯潦倒歌偏急蕭疎慮或清興亡千古
事俯仰此時情紫陌迷蒙眼翎風黯淡旌連茹

瞻泰運扶杖隔江城北牖羲皇意東山空谷聲
遡歸三徑寂高卧一身輕但遂耽幽僻何煩隱
姓名

和陳彥升玉芝宮修史二十韻

右文搜秘簡闢館集時英節序王春始絲綸異
命榮清嚴資禁地烽火剩高薨故實追遺訓新
裁借老成是非應久定予奪貴持衡聖武開淮
甸戎衣繼北平元和歸大治奕葉慎佳兵清議

能亡漢分曹亦敗明蝸蟪猶彼此伏莽已縱橫
禍速誅求急人嗟憤怨盈有君臣不逮望治亂
先萌敢决花門騎飛揚瀚海旌陵園藏玉枕宮
闕洗金莖螻蟻難逃死鯨鯢竟就烹重開白帟
闈仍紀赤符禎反覆前車躡低回故老情鬢霜
還載筆署雪正依檠聽漏鸞坡切程書午夢清
遠柔戈漸戢枹息夜無驚知負移文愧終當踐
舊盟

遣興二十四韻

寥濶懷安托，栖遲意復傷。
生涯衰髻短，客况劇愁長。
南國干戈滿，東山壘畝荒。
憂天依几席，費日借壺觴。
庭樹留新色，囊書檢舊方。
市頭驚米價，眼底閱年光。
紅藥猶堪摘，朱櫻乍許嘗。
悠悠他日恨，落落此官忙。
蜀笈仍蕭寂，鷄香尚杳茫。
數竒阨李廣，地險怯王陽。
錦綺輿臺服，笙竽劍珮場。
戚揚輝輦道，鵬鸚壯腰章。
芻牧誰驅虎，糾

彈各避狼，物情存冷暖。
世態易蒼黃，悲喜隨駒影。
牢騷附病狂，一丘迷伏莽。
三徑隔滄浪，投効關全遠。
招蒐夢或妨，鴿原常自惡。
烏哺詎能忘，羈束餘遲暮。
沉綿滯咎殃，送窮還閣筆。
感遇幾回腸，薄劣慚帷幄。
依違愧稻粱，緇塵紛逐馬。
白首本爲郎，不用追今昔。
無煩憶激昂，江湖天地在。
鷗鷺亦翱翔。

七夕感興

千秋同冉冉七夕白年年候至蛩依壁光清月
上弦寒花凝晚露踈柳散朝煙肅肅風開幕淒
淒樹隱蟬鵲催靈匹駕蛛動巧樓筵是處傳砧
杵誰家醉管絃難辭鄉思入易與別愁牽寂寞
揚雲宅無人問草玄

贈張完真督撫十韻

蓋代偉人起榆關紫氣來雄謀空五餌壯略躋
三台輦鼓吳江靜雕戈越服恢東南歸鐵馬西

北重金臺建節息常渥鑿門轂屢推岱嵩回日
月幽薊走風雷伏莽狼烟息當車螳臂摧褰帷
容解綬享士喜傾壘俊業光彝鼎歡情動草萊
書生仍載筆作頌愧鄒枚

雨中抵嘉禾

丙戌

風塵二十載丘壑未能忘入越舟衝雨披帷晚
趨涼浮生嗟物役客興惜年芳浩蕩鷗偏穩披
離稻亦香人烟村半碧橘柚樹全黃味近鱸尊

美風牽菱荇長陶潛耽隱逸阮籍得踈狂皂帽
違初願青氈剩舊囊雙眸甘就老八斗媿難量
莫問珊瑚網應遊溟滓鄉酣歌宜白墮秘術謝
長房燈下婆婆影人間傀儡場吳江楓未落天
竺棹相將取適無過此輕帆濕不妨

東王雪園侍御時候試期

斯文扶運會聲氣亦相因舊識天中彥初分越
水春風行原有自嶽立本無倫已見瘡痍起兼

看壁壘新恢疆叅廟略得士擴皇仁破例搜

才藪連茹俟海濱冥鴻知盡轉駭鹿亦全馴月
路留丹蕊龍門引縱鱗菊時桃李煖戰地網羅
均文物輝干羽風雲動掖紳何緣陪朽鈍但覺
益逡巡珥華曾奚補披圖向未真悠悠常索米
碌碌冀因人殊媿雙眸老寧堪五色陳珠光虞
黷淡劔氣恐沉淪竹徑隨愁寂松關送日頻湖
山虛在眼魚鳥果誰親初服仍餘芟秋風正倚

尊飲冰囊盛典望歲際昌辰健翮應冲漢霜蹄
必絕塵柏臺持藻鑑澤國貺佳賓珍重酬招隱
余將理釣緡

張雲齋年兄闈中招飲呈同座諸君子


闈深無與適積雨徑苔浮聲氣同人事罇壘乙
夜謀琳琅真觸目樗櫟竟忘憂清興當筵發雄
譚借箸籌菰蘆寧歲月烽燧靜林丘駿足臺方
迴珊瑚網欲收鼎開驚九轉翮老奮三秋得士

馮青眼因人慰白頭湖山恣汗漫衡泌待優游
屐健元堪著簪閒自許投赤松君夙契勾漏我
終求俯仰蒼茫內燈花剪未休

七言排律

次韻肯在闈中

鬢霜重對短檠前閱盡池灰已大千朔漠風迴
連北闕關山月迴隔南天愁空寂寞尊中酒懶
謝蕭疎壁上絃久耐時艱花濺淚何辭官冷爨



原件短缺

無煙驚心螭陛猶今日判袂鷓原忽去年慕義
魯連曾蹈海辭榮疏受亦歸田門前烏雀元堪
侶階下松筠竟可憐三徑自甘違小草一丘何
處任高眠短衣羸馬緇塵裏畫戟雕戈鷺序邊
興遠尚知尋白社眸昏豈復辨青錢仍容簪筆
同踈放未解忘言獨悵然小榻攤書翻敝帙半
鐺煮石問清泉擬忘塞上傳烽壘真敵花時載
妓船御苑柳綿方學舞隔牆榆莢正能圓生涯

白桃花

年年桃李爭紅白誰信君家雪並飛度索山頭
宵月冷驚看一樹玉成圍

種蕉

買得芭蕉種近墻貪他綠影映虛廊莫愁雨夜
鄉心碎客久年來不憶鄉

夜風

河漢蒼茫月影昏朔風入樹吼荒原不知今夜

征人夢幾處
驚回故國魂



卷之三